



Fasti Mariani

Brunner, Andreas

Antverpiæ, M.D.C XXX III.

S. Ivo Conf. 19. Maii.

[urn:nbn:de:hbz:466:1-70962](#)

Numineque ita volente, cadit etiam.
Caterum quo loco sanguinem fudit,
fons continuò exortus aquas fudit pas-
sim ægris salutares. Illud penè excidit:
Cilicinum ejus thoracem asservari regii
sanguinis purpurâ etiam hodie ruben-
tem, loricam, qualem hodie in Princi-
pum armamentariis rarò videoas. Ex Vi-
te Aquilonia Ioannis Vastovii.

S. IVO CONF. 19. Maii.

Hic ille inter Iurisconsultos Phœnix,
IVO est, pauperum Advocatus. His
ille linguam suam non vendere, sed
eorum caussam beneficiis sibi emere.
Hinc quotidie hospitio eos suscipere,
pedibus aquam affundere, mensæ suæ
convivas adhibere; de victu ac vestitu,
quò illis adderet, sibi demere, & ne de-
essent, qui patrem vocarent, binos con-
juges unâ cum IV. liberis domi suæ in
IX. annū alere: ut plane penum IVO-
NIS pauperum posses sinum appellare.
Ipse interim tam in se durus, quam in
alios benignus, corpus cilicio affigere,
sonnum humi capere, inter preces se-
ptem ipsos dies sine cibo persistere, je-
junia legibus Christianis imperata pa-
ne & aquâ transfigere. Talis igitur Ad-
vocatus quid mirum si orationi suæ
semper Cælites habuit faventes? Hi cer-
tè panem, qui unus suppetebat, in pau-
peres dispensanti, tres alios submisere:

S 5

hi

282 *Vite Sanctorum.* 19. Maii.

hi excrescere s^ep^e stipem exiguam fecerunt, ut bene multis sufficeret. Ipse CHRISTVS, mendicem præferens, mensæ illius (Superi, qualis hospes!) assidere, & abiturus bene precari voluit. Inde ille jam medicus etiam omnes passim morbos pellere, flamas preibus extinguiere, crucis signo per aquas sibi viam facere, demum fati sui non ignarus, stramentis incubare, & morienti, quem manu tenebat, CHRISTO immori, ut ante hominum semper, ita etiam tunc ante DEI tribunal vicit. Tam bona, ô Iurisconsulti, pauperum est caussa! Ex Surio.

S. DVNSTANVS EP. 19. Maii.

Inter Angelos, quos Anglia genuit, letiam DVNSTANVM numera, cui serum fuit, miracula in cunis inchoare; nosci prius, quam nasci voluit. Mater eo gravida Purificatæ Virginis die Numinis supplicabat: cum repente extinctis occultâ vi templi facibus, tota urbs cohorruit. Paulò post divinior ignis, rectâ ad Dunstani parentem delapsus, ejus cereum accedit, unde reliqui lumen mutuati matrem novi sideris consalutarunt. Confirmavit postea omen Angelus, qui delatum in templū puellum ad omnes Aras circumduxit, futurum pollicitus, uti ejus operâ Religio resfloresceret. Eas spes paulò post

mor-